



UNIVERSITÄTS-
BIBLIOTHEK
PADERBORN

**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
propriarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

González Téllez, Emanuel

Francofurti Ad Moenum, 1690

Caput VXII. a Idem Vniversis Ecclesiarum Prælatis.

[urn:nbn:de:hbz:466:1-74544](https://nbn-resolving.org/urn:nbn:de:hbz:466:1-74544)

^{3.} *g Recipiant.*] Juxta veteres canones; nam jure antiquo omne quod Ecclesiis totius Diocesis offerebatur, Episcopo cedebat. Concil. Aurelian. 3. can. 5. sub Hildebert. ibi: *Si qua oblationes in quibuslibet rebus, atque corporibus collata fuerint, Basilicis in civitatibus constitutis, ad potestatem Episcopi redigantur, & in ejus sit arbitrio quod ad reparationem Basilica, aut observantium ibi substantiam deputetur.* Et cap. decretum 3. io. quest. 1. Verum cum omnia sibi vendicarent Episcopi, demum provifum fuit, ut certa parte ab Episcopis percepta, reliquum immune Ecclesiis, seu Monasteriis superesset.

Concil. Carpentoratenfe sub Cæsario Arelatenfi c. 1. de statum monach. ibi: *Aut si quid illis pro diverforum devotione accesserit, vobis vindicare aſſimemus.* Concil. Illerdenfe can. 3. ibi: *Ut qua in jure monasterii de facultatibus offeruntur, in nullo Diocesanâ lege ab Episc. contingatur.* Quod hodie variis privilegiis Sedis Apost. Religiosis concessum est, & sæpius declaratum à sac. Congr. referunt Barbol. de officio parochi, c. 24. n. 29. & in summa Apost. collect. 530. n. 2. Leander in 5. præcept. Eccles. tract. 6. disp. 10. q. 10. & veteri monumento Monasterii Corbeienfis illustrat Bignonius in notis ad Marculf. lib. 1. c. 1. fol. 430.

C A P U T XVII.

2 Idem Vniversis Ecclesiarum Prælatiſ

Nimis prava. Et infra: Cùm quidam viri Religiosi, utputa Fratres b Prædicatores, & Minores (quorum Ordinem & Regulam Sed. Apostol. noscitur approbasse) in arctissima paupertate Christo pauperi famulentur, plerique Prælati, & alii eos ad c synodos suas cogunt accedere, ac suis constitutionibus subjacere: nec his contenti, capitula, & scrutinia in locis Fratrum pro his^d corrigendis facturos se comminant, e fidelitatem juramento firmatam ab eorum ministris, & custodibus exigentes; eis quoque, ut tam extrâ Civitates, quàm intrâ cùm eis^f processionaliter veniant, ex levi causa mandantes, excommunicationis sententiam fulminant in benefactores ipsorum, & ipsam Fratribus comminantes, eos de locis, in quibus Domino famulantur, satagunt amovere, nisi eis obediant in omnibus supradictis. Ad hoc, nè Fratres ad honorabiliores civitates, & villas, ubi religiosè, ac honestè valeant commorari, à populis devotè vocati accedere audeant inhibentes, tam in accedentes Fratres, quàm in receptatores eorum præsumunt excommunicationis sententiam promulgare. Ab eis etiam de g hortorum fructibus decimas, nec non de habitaculis j Fratrum (sicut de Judæorum h domibus) contendunt redditus extorquere, asserendo, quod nisi Fratres morarentur ibidem, ab aliis habitatoribus proventus aliqui solverentur; & ut ipsos sibi subdant totaliter, eisdem ministros, & custodes volunt præficere pro suâ arbitrio voluntatis: Quocirca mandamus, quatenus universi, & singuli à prænotatis gravaminibus desistatis, subditos vestros ab hujusmodi arctiùs compescendo.

N O T Æ.

^{1.} *a* *Dem.*] Gregorius IX. videlicet, qui etiam præsentem constitutionem edidit in favorem Fratrum Prædicatorum D. Dominici, & Minorum D. Francisci, quorum Regulæ, & instituta jam probata fuerant per Sedem Apostolicam. Integram hanc constitutionem non reddimus, quia Regeſtro epistolarum ipsius caremus.

b *Prædicatores.*] Quia in communi possunt bona obtinere. Valenzuela consil. 135. ex num. 55.

c *Ad Synodos.*] Quando Abbates teneantur ad Synodos Diocelanas, vel Provinciales accedere, exposui in cap. dilectus, de offic. ordin. cap. quod super his, de majorit. & obed.

d *Corrigendis.*] Quod facere antè Monachorum exemptionem Episcopi Diocelani valebant, ut probavimus in c. licet, c. grave, de offic. ordin.

e *Fidelitatem.*] Quam olim Abbates Regulares tempore suæ benedictionis Episcopis promittebant, cap. ne Dei Ecclesia, ubi probavi, de simonia.

^{2.} *f* *Processionaliter.*] Quod hodie facere possunt, nam post Concil. Tridentinum sess. 25. de regul. c. 1. omnes Regulares, quorum conventus sunt intra Civitates, vel non distant magis ab eis, quam per medium milliare, tenentur processionibus publicis

interesse, si nonnullos privilegiatos excipias, ut probant, & explicant Aloysius Riccius in praxi fori, res. fol. 308. num. 7. Vgolinus de offic. Episcopi, cap. 11. num. 6. Armendariz ad leges Navarre lib. 1. tit. 14. & lib. 24. §. 31. Valenzuela tom. 2. consil. 184. nu. 25. & sæpius id decisum fuisse per sacram Congregationem testantur Barboſa in remiss. ad Trid. dist. cap. 21. Bruno Cassaigne de priviſ. Regul. tract. 8. cap. 4. proposi. 7.

g *Hortorum fructibus.*] Et appellatione horti in præſenti accipitur locus sepibus munitus, etſi nõ sit volupratis gratiâ, sed fructuum colligendorum causâ comparatus, ut hortum generaliter definiens docuere Beyerlinch in Theatro vite humana, verbo Hortus, Briffon. lib. 3. select. cap. 1. Unde Religiosi, quibus privilegium concessum est non solvendi decimas ex hortis propriis, non tenentur eas solvere ex hortis muratis, & septis, etſi fructuum colligendorum causa parati sint. Gregorius Lopez in l. 4. tit. 20. p. 1. Emanuel Rodriguez tom. 2. 99. regul. q. 44. art. 4. Petrus Gregorius lib. 1. part. 117. 25. c. 3. Barboſa lib. 3. jur. Eccle. c. 26. §. Patres, Fagan dez in 5. præcept. Eccles. lib. 2. c. 4. n. 3. Pellizzarius tom. 2. manual. regul. tract. 8. cap. 1. sect. 3. Diana ad calcem partis 9. pag. 199.

h *Domibus.*] Juxta tradita in cap. de judais, de decimis, cap. quanto, de usur.

CAPUT